



Broj: 01/2-02-3379/21
Breza, 12.11.2021. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 39. stav 1. tačka 2. i 6. Statuta Općine Breza („Službeni glasnik Općine Breza“, broj: 7/21) i člana 3. Odluke o postupcima, standardima i kriterijima imenovanja na pozicije u reguliranim organima Općine Breza („Službeni glasnik Općine Breza“, broj: 11/21), Općinski načelnik, objavljuje:

JAVNI OGLAS

za izbor i imenovanje predsjednika i članova Upravnog odbora Javne ustanove za predškolsko obrazovanje i vaspitanje „Umihana Čuvidina“ Breza

Objavljuje se Javni oglas za izbor i imenovanje predsjednika i članova Upravnog odbora Javne ustanove za predškolsko obrazovanje i vaspitanje „Umihana Čuvidina“ Breza, kako slijedi:

- a) Predsjednik Upravnog odbora, iz reda osnivača 1(jedan)
- b) član Upravnog odbora, iz reda stručnih zaposlenika Javne ustanove 1(jedan)
- c) član Upravnog odbora, iz reda Vijeća roditelja..... 1(jedan)

I- OPIS POZICIJE

Upravni odbor ima slijedeće nadležnosti:

- razmatra plan upisa djece;
- razmatra rezultate predškolskog odgoja i obrazovanja;
- odlučuje o prigovoru roditelja na rad i odnos zaposlenih radnika prema djeci;
- donosi pravila predškolske ustanove;
- imenuje i razrješava direktora predškolske ustanove, vrši izbor pomoćnika direktora predškolske ustanove;
- objavljuje konkurs za izbor odgajatelja i stručnih saradnika;
- odlučuje o žalbama po konkursu;
- odlučuje o prestanku prava odgajatelja i stručnih saradnika na daljnji odgojno-obrazovni rad;
- usvaja godišnji program rada predškolske ustanove;
- razmatra i usvaja izvještaj o realizaciji godišnjeg programa rada predškolske ustanove;
- podnosi izvještaj o radu predškolske ustanove osnivaču;
- prati uspjeh djece i poduzima mjere za unapređivanje uvjeta rada u predškolskoj ustanovi i poboljšanja odgojno-obrazovnog rada;
- donosi finansijski plan i usvaja godišnji obračun;
- donosi opći akt o unutrašnjoj organizaciji i sistematizaciji poslova i druge opće akte u skladu sa zakonom i pravilima predškolske ustanove;
- odlučuje o prigovoru roditelja djece na rad odgajatelja i stručnih saradnika;
- odlučuje o prigovoru odgajatelja i stručnih saradnika na ocjenu o radu;

- razmatra prijedlog odluka i preporuke upućene upravnom odboru i poduzima odgovarajuće mjere;
- usmjerava i kontrolira rad direktora i ocjenjuje rad direktora;
- rješava određena pitanja odnosa sa osnivačem;
- donosi svoj program rada, a izvještaj o svom radu podnosi osnivaču;
- odlučuje o korištenju sredstava preko 1.000,00 KM;
- odlučuje o žalbama i prigovorima zaposlenih i njihovim pravima, obavezama i odgovornostima iz radnog odnosa;
- obavlja druge poslove u skladu sa zakonom i Pravilima predškolske ustanove.

II- OPĆI USLOVI

Kandidat treba da ispunjava sljedeće opće uslove:

1. da je državljanin Bosne i Hercegovine;
2. da je stariji od 18 godina;
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije u Javnom oglasu;
4. da se na tog kandidata ne odnosi član IX. tačka 1. Ustava Bosne i Hercegovine;
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13);
6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“ broj: 70/08);
7. da nema privatni i/ili finansijski interes u instituciji u kojoj se kandiduje;
8. da nije osuđivan za krivično djelo nespojivo sa imenovanjem na dužnost u instituciji u koju se kandiduje, pet godina od dana pravosnažnosti presude, isključujući vrijeme zatvorske kazne;
9. da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri;
10. da se protiv njega ne vodi krivični postupak.

III – POSEBNI USLOVI

Pored općih uslova, kandidat treba da ispunjava sljedeće posebne uslove:

1. da posjeduje VSS, VII stepen stručne spreme, odnosno dokaz o završenom visokom obrazovanju prvog(najmanje 180 ECTS bodova), drugog ili trećeg ciklusa Bolonjskog sistema studiranja ili VŠS, odnosno SSS za kandidate koji se prijavljuju u dijelu Javnog oglasa koji se odnosi na izbor i imenovanja članova Upravnog odbora iz reda stručnih zaposlenika Javne ustanove i reda Vijeća roditelja;
2. da ima najmanje 3(tri) godine radnog iskustva nakon sticanja visoke stručne spreme, odnosno 5(pet) godina nakon sticanja VŠS ili SSS;
3. da nije član nadzornog ili upravnog odbora, odnosno odbora za reviziju nekog privrednog društva, ustanove ili institucije;
4. da nije vlasnik ili član uprave nekog privrednog društva ili institucije;
5. komunikacijske i organizatorske sposobnosti;
6. sposobnost tumačenja propisa iz oblasti za koju je regulirani organ osnovan;
7. sposobnost upravljanja finansijskim i ljudskim resursima.

IV- POTREBNA DOKUMENTACIJA

Kandidati su dužni dostaviti sljedeće dokumente:

1. potpisana prijava sa kraćom biografijom;
2. uvjerenje o državljanstvu (ne starije od 6 mjeseci);
3. diploma o završenoj stručnoj spremi;
4. dokaz o radnom iskustvu (uvjerenje, potvrda potpisana i ovjerena od poslodavca ili uvjerenje o radnom stažu od FZ PIO/MIO);
5. ovjerena izjava o ispunjavanju potrebnih uslova iz javnog oglasa.

Kopije dokumenata moraju biti ovjerene od strane nadležnih organa.

Napomena: Izabrani kandidati će biti dužni, u roku od mjesec dana od dana prijema rješenja o konačnom imenovanju, dostaviti:

- uvjerenje da nisu osuđivani za krivično djelo nespojivo sa imenovanjem na dužnost u instituciji u koju se kandiduje, pet godina od dana pravosnažnosti presude, isključujući vrijeme zatvorske kazne, ne starije od 3(tri) mjeseca;
- uvjerenje da im nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri, ne starije od 3(tri) mjeseca;
- uvjerenje da se protiv njih ne vodi krivični postupak, ne starije od 3(tri) mjeseca.

Svi kandidati koji budu na listi užeg izbora će biti pozvani na intervju.

Kandidati sa kojima se ne stupi u kontakt u roku od 8(osam) dana od dana isteka roka za podnošenje prijave, kao i kandidati koji su uredno pozvani, a nisu se pojavili na intervjuu, neće se uzeti u obzir u daljem postupku za izbor i smatrat će se da su odustali od kandidature.

Obrazac prijave za predsjednika i članove Upravnog odbora i obrazac izjave mogu se lično preuzeti na Info-pultu Općine Breza ili sa WEB-stranice Općine Breza: www.breza.gov.ba

Javni oglas će biti objavljen u „Službenim novinama Federacije BiH“, u dnevnom listu „Oslobođenje“, na web stranici Općine Breza, na oglasnoj tabli Općine Breza i oglasnoj tabli JU za predškolsko obrazovanje i vaspitanje „Umihana Čuvidina“ Breza.

Prijave se podnose u roku od 15 dana od dana objavljivanja Javnog oglasa u „Službenim novinama Federacije Bosne i Hercegovine“.

Neblagovremene i nepotpune prijave neće se uzeti u razmatranje.

Dokumentaciju dostaviti lično u Centar za pružanje usluga građanima Općine Breza ili preporučeno poštom na adresu: Općina Breza, Bogumilska broj 1. Breza 71370.

Sa naznakom „**Komisija za provođenje izbora na pozicije predsjednika i članova Upravnog odbora Javne ustanove za predškolsko obrazovanje i vaspitanje „Umihana Čuvidina“ Breza - ne otvarati**“

Općinski načelnik

Vedad Jusić

(Ime, ime jednog roditelja, prezime)

(Adresa stanovanja)

U svrhu Prijave na Javni oglas za izbor i imenovanje predsjednika i članova _____ odbora Javne ustanove _____ koji je objavljen dana _____.2021. godine u „Službenim novinama Federacije BiH“ i dnevnom listu „Oslobođenje“, pod punom moralnom, materijalnom i krivičnom odgovornošću dajem slijedeću:

I Z J A V U

1. Nisam otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije u Javnom oglasu;
2. Na mene se ne odnosi član IX. 1. Ustava Bosne i Hercegovine;
3. Nisam na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, br: 12/03, 34/03 i 65/13);
4. Nisam član organa zakonodavne, izvršne ili sudske vlasti ili savjetnik u smislu zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj: 70/08);
5. Nemam privatni i/ili finansijski interes u javnoj ustanovi u čiji upravni/nadzorni odbor se kandidujem;
6. Nisam osuđivan za krivično djelo nespojivo sa imenovanjem na dužnost u instituciji u koju se kandidujem, pet godina od dana pravosnažnosti presude, isključujući vrijeme zatvorske kazne;
7. Da mi nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenju zaštitnoj mjeri;
8. da se protiv mene ne vodi krivični postupak;
9. Da sam saglasan da se moji lični podaci mogu obrađivati u skladu sa članom 5. Zakona o zaštiti ličnih podataka, a za potrebe provođenja procedure javnog oglasa za izbor i imenovanje članova upravnog/nadzornog odbora.

Breza, _____ . 2021. godine
(datum)

(potpis)

Napomena: Izjavu obavezno ovjeriti kod nadležne općinske službe

Ime	
Prezime	
Adresa	
Kontakt telefon	
E-mail	

Općina Breza
Bogumilska br. 1
Breza

Predmet: Prijava za predsjednika/člana upravnog odbora JU „Umihana Čuvidina“ Breza

Na osnovu Javnog oglasa objavljenog dana _____.____.2021. godine u „Službenim novinama Federacije BiH“ i dnevnom listu „Oslobođenje“ prijavljujem se za predsjednika/člana Upravnog odbora JU za predškolsko obrazovanje i vaspitanje „Umihana Čuvidina“ Breza iz reda osnivača/zaposlenika/vijeća roditelja.

(zaokružiti)

Kraća biografija:

Potpis podnosioca

U _____, _____.____.2021. godine
